



## **Facilis Et Succincta S.S. Canonum Doctrina**

**Pirhing, Ehrenreich**

**Dilingæ, 1690**

§. I. An Judex sæcularis tractate, & cognoscere possit causas  
Ecclesiasticas?

---

[urn:nbn:de:hbz:466:1-61641](#)

ex quo capite etiam patet, contumacem hunc talem habendum, & puniri posse penam excommunicationis.

## SECTIO II.

## De causis, quas judicare potest iudex secundum secularis, tum Ecclesiasticus.

## §. I.

An iudex secularis tractare, & cognoscere possit causas Ecclesiasticas?

**C**ausarum Ecclesiasticarum aliae sunt merè ac propriè spirituales, quæ proprie spectant ad Prælatorum Ecclesiasticorum regimen, uti sunt causæ beneficiales, decimales, matrimoniales, &c. aliae sunt causæ merè temporales, causæ v. g. contractuum, instrumentorū, &c. de illis res talis certa est, quod Laici causas Ecclesiasticas cognoscere non possint, etiam in casu negligentium Ecclesiasticorum, neq; propriā auctoritate, neque ex commissione Prælatorum Ecclesiasticorum, exceptā plenitudine potestatis Principalis, per quam Laico etiam tales causæ committi possunt. Sumitur hoc ex Cap. Decernimus. 2. b. tit. Cap. Qualiter 17. eodem. Cum Laicos potius maneat obsequendi necessitas in ordine ad Ecclesiam, quā nō imperandi auctoritas cap. final. De rebus Ecclesie alienandis. Et quanvis negotia merè temporalia Ecclesiarum & personarum Ecclesiasticarum etiam Laici tractare possint, (si scilicet Ecclesiarum economi sede v. g. vacante constituantur) per hoc tamen nulla illis in Clericos præminentia, gubernatio aut potestas

confertur; neque tamen possunt auctoritate proptiā causas judiciales pecuniarias, seu merè civiles, quæ inter personas Ecclesiasticas aut Ecclesias, vel contra tales moventur, cognoscere, & judicare, uti colligitur ex relato Cap. 2. Quamvis hoc facere possint ex commissione seu delegatione Prælati Ecclesiastici, saltem in casu aliquo particulari, cum talis delegatio non sit contraria jus commune, & Laicus in tali casu magis utatur jurisdicione Ecclesiastica Delegantis (semper tamen quando Laicus jurisdictione negatur in Clericorum causas judicandas auctoritate propriā, excipiuntur causæ feudales, quas Dominus feudi, sive Laicus hic sit, sive Ecclesiasticus, dijudicare potest, uti habetur in Cap. Ceterum 5. b. tit.) Caulas verò criminales Clericorum, nec propriā auctoritate tanquam iudex ordinarius, nec ex commissione inferioris Prælati, non obstante quāvis contrariā consuetudine, judicare potest Laicus (hoc enim cederet in grave opprobrium Cleri) nudum tamen ministerium aliquod circa Clericos v. g. capiendos, aut alias executiones alias faciendas, &c. committi etiam Laico potest: prout etiam admitti potest Laicus, ad causas has dijudicandas, ut Assessor, Consiliarius, Notarius, &c. cum hæc talia nullam jurisdictionem importent.

## §. II.

## De causis, quas tractare, &amp; cognoscere potest iudex Ecclesiasticus.

**I**udex Ecclesiasticus cuiuscunque dignitatis sit, non potest, quod talis, directè & ordinariè causas merè Civiles, vel etiam criminales, quæ ad Magistratum

Gg Laticum